

書名 祝氏集略八卷 嘉靖三十六年序刊本
撰者 明 祝允明 撰
卷 卷四
內容分類 集-別集-明中葉
索書號 集部-別集-7-18-1
編號 D7425800

卷四



彩色首頁1

東洋文化研究所漢籍目錄 編號: D7425800
東洋文化研究所漢籍目錄所藏漢籍善本文影像資料庫 索書號: 集部 別集-7-18-1
漢籍善本文影像資料庫文本 祝氏集略八卷 嘉靖三十六年序刊本
版權所有: 東京大學 東洋文化研究所
使用上的注意事項

祝氏集略卷第一

騷賦

大游賦

允明以宇宙之道於我而止矣渾鴻包之萬象條之
五肇構于其先宣尼總齊于其後君建為極臣成
為士治為學民遵為世隨其時也易曰拘係之乃
之王用亨于西山允明時不自立身名隨人拘
老而神明中亮問學外廣有無之際三五宣尼
益嘗冥訪其間焉斯用亨之利也暇日叙之
游賦可以垂語千載焉爾



東方文化學院東京研究所

No. 1688



0 1 2 3 4 5 6 7 8 9 20 1 2 3 4 5 6 7 8 9 3


祝氏集畧卷第四

古調

夙駕邁皇邑

夙駕邁皇邑送胡侯也侯宰吳而循將述
職朝于京師民願其陟明而懼其不來
於是交懷乃述是詩送之凡二篇

夙駕邁皇邑奏計天子闡命臣宰吳民民淳幸成
治君子閑禮教細人勤耘耔潢池徒涉境亦幸免顛
濟歲月可少假當轉瘠為肥臣政報不欺大君企
鑒裁



夙駕邁皇邑公去我心悲京吳期月程父母何時歸
所慮大君留吾儕將疇依賢人在高位庶績用咸
熙子產往作相嗣之來者誰大君一內外留遣皆
賢才

怨詩

繁霜隕衰秋萬物無一歡后稷苦望歲仲尼唱猗蘭
東海有愁龍西崖有乳鸞文王舊時操極古無人彈

京館登樓眺遠

登樓睇遙際邇值城東阿都市無曠壤萬室交鱗羅
花鳥不見妍鳴輪日衝過衢喧萬方言嘈雜絲吹

贊皇籌幸運仲宣憂獨多吳邦弗可見不樂將如何

舟行汶上薄暮看月作

璇蓋瑩空青飛鑑泛華艷川原邈夷曠疎木媚寒澗
廣路斷浮鞅旅翫諧靖念跡逝偕志行萬里靡坊塹
苟無忠惠持誰能勞不厭

自京師南赴嶺表仲冬在道中

秉策志渥丹牽絲及班艾拜寵北闕下寄命南嶠外
霜履將蹈冰虛舸循寒瀨越鄉慚台節垂堂慄先戒

劉公存社稷雅尚幸終會

余弱壯求仕夙願令長今幸如志深與劉梁言志符

合一丘沈結膺三層擬投帶晚蔭答蒼靈赤鑑慎無

昧

五十服官政效白公

五十服官政六十方熟仕七十乃致政古今固一致
吾年五十五始受一縣寄七里劇彈丸亦有社稷置
夙懷同劉君後漢劉梁今此幸諧志所憂脚本短時彫虞
易躋祗應盡素衷玄鑒不可悖一區石湖水漁舟早
相伺

夢游

航葦緣曲谿峽深谿轉幽澄靚水氣甘葱蒼木蔭稠
空泐孤持檝愈入世彌邁步履窮豎亥祗此適余舟

蟲鳥元共性非契我何求

予行物已隔極境愈欲至獨有仙巢子被髮跪雲內
栖巖玩頽陽流谷響清喟須臾始云觀伺我九千歲
海中多真人徒美遐不值瓊霄有飈輪中夜以為會

讀余侍御游泰山記識其間二三處

明堂

於鑠姬后締茲合宮爰宅神明穆穆王風降及後王
以奉土木彼營于朝形侈實黷今我泣瞻猶拜文武
念茲草木且附聖土有赫我后三登五咸臣願師
周唯后用鑒

絕頂玉皇殿

乾居冠峻嶽承級通明宮星辰綴琨
攝齊入金門拜肅闕天容俯躬覽八表辨方識疆封
霧彌璇壙
西北拱 王室舟車方會同

日觀

我昔聞日觀想像當雄哉君今登日觀真從日邊來
君言日觀高踞山之東左有天門右有絕崖從中突
起一片石不知千丈萬丈上撥浮雲開扶携石傍東
面坐但見東方無際畔盡在莽蒼滄茫間上不辨穹
霄下不分人寰八極總一景焉知別華蠻忽聞天

鳴一聲恍惚紅光射破青冥端龍宮燬火齊琢為太
陽丸海波湫湫玻璃翻搏桑脩脩掃三山衛霞從
紛爛端五彩錯亂多朱殷龍車不須轂跋烏不須翰
奮迅升天關游天衢兮循天環開闢六合天尊地卑
萬物出作咸乂安日觀之日乃如此亘古不息正天
紀蒼生仰照宣重光吾能言之自此始

方烈婦詩

芙蕖託藕根藕折芙蕖萎雄劍出土中雌劍飛相隨
桐城有女姚嫁事方家郎貞心兩松柏信誓雙鴛鴦
方郎中路隕女姚治其喪明朝郎入土何事妾不亡

妾有十尺絲玉質奄從化一夜寒霰零蘭枯蕙亦謝
煌煌雙白壁合瘞南山岡宛宛兩柔荑為人挈三綱
旌書下萬乘烈聲騰九有九原多雜臣試問方家婦

龍川山中早行

磻磻左山影橫截右山腰辨色鳥謹翔微光漾晴朝
浮雲若中斷蔚蔚方行遙

朝雲山腰生我在雲中行只恐雲載我飛上白玉京
世塵邈已隔天鷄猶未鳴須臾微風發東極金鳥升

莆田鄭殿中綠野亭

吾聞烏山下千載君子宮云誰構此者柱下有漕

昔與韓忠獻同升事仁宗抗節匡王度寒歲榮霜木
翩然返薜蘿考槃亭此中孫子聯翼翔邦人亦欽崇
出處鑒茲宅眷言均帝衷

贈倫解元

三首

佳人出南國鬱鬱春松姿手有龍卷文忠信以自持
茂年秉高義淑姆群婦師君子聘好逑任妙共風期
關關睢鳩化四海為雍熙

珠玉一出世見者愛輝光雲漢倬昭回衆夫仰文章
煌煌錦繡段願為衣與裳醴泉消渴心嘉禾望充腸
亭亭梧桐樹可以棲鳳凰

明王攬大宇百福日富來車書上皇邑八表無遲回
與子遇原野携手乃徘徊君行遵大路日以寫予懷

贈王翰林思

先公昔登庸寔出元禮門雄篇累賁遺存亡被光燉
吾兒繆通籍重得聯英騫頑鄙當其中俯仰慚祖孫
夫子篤風義眷然推好敦昨旅同北都今來共南濱
叶英哲產自艱分氣勤化元繩矩用必莊天球質本
溫藏蓄在王府望瞻不可捫誰令寘海隅混揉珠貝
繁蘭風滌瘴腥桐韻澄蠻喧邇來觀海居高寄城西
原白雉不見來蜃氣日夕昏將無辱賢者乘桴三九

公曰良覲代隔道共存時時出卮言珍怪無珣
深澹如丘樊蔚林斷秋鞅疏篠涵靜
派萬境不能亂始知吾性尊鳳文非可求惠然下蓬
軒雖欽俯芥收終愧仰蘿援即欲往從之川梁棘我
轅塵謚無足投望報來瓊琨空荒坐遲晚勁策幸扶
擗

題黃山人詩卷

山人黃震陽字一元臨川人能琴善醫曉五行祿命來拜

予縣庭中持盛王二翰林詩卷以代贊請詩因走筆還之

南來作縣官亦希遇異人三年霧眯目衣上多新塵
翩翩一黃鶴啣書祝融濱下庭展軸諷字字青瑤瑤

既驚日暮契猶懷夙昔親鳳鳴燕雀間視聽斲得伸
鶴乎果有升天翼借我乘之朝玉宸

吉湖口湯泉

慕詭適修禊瀟侶悶靈淵機權知匪測橐籥詎云偏
感沸連波起鴻鑪不斷燃蓋石愈怪傑襟湖何渺綿
蕭丘有寒醜化理同一玄燧人與堯井無為帝力全

鷄黍詞

庭中有群鷄主人賦之黍魯鷄偶遠立於此有遺租
越鷄氣沾沾欣睨躍拙距主人軒然笑爾蠢何足語
嗟哉胡得喪可惡爾畜羽幸禍天所怒得_{天所}

主人唯至公但使豐年屢_叶

讀嘉靖改元 詔書并閱邸報_臣敬作詩一

首

宮車昔晏駕 鴻寶歸 親賢 元后上聖姿神龍
潛虞淵乘乾奉 天祐 皇極建冲年百辟迎代來
凝命居清玄 皇風仁偃草一日周九埏震霆雨作
解赫曦清旻懸除兇力摧虎狹狷犴重鍵擊冥走鬼
彫好問廣詢延急治熱願濯從善坂流圓響答朝至
旻 萬幾無停_宜黍否一往復乾坤隨轉旋昔自堯
舜來神化無此前聲休度百王 九廟光蟬媯 天

祿永無疆 聖治終始全 臣詩屬先驅 三靈赫臨鑒

過湖

紆迴蒼壁帶平塋 玄銅鑑昊旭懸邃 霄光景高下湛
周覽總一天織埃焉受犯

溧水官舍

皇州本叢麗 倅府亦多暇 高木停車蓋 白石砥根下
鷄犬寂不聞 明窓晃低亞 礪奏不絃琴 山橫無筆架
流雲過簷牖 斜照盪書畫 巖居固同此 此寓未稅駕
出高淳縣望寶積寺塔

巖邑無闔閭 出市即郊隰 淒涼木石寡 衡縱賦滄
微陽廣土被 厚霰蔓草浥 四垂天茫茫 忽覲斯獨立
檀欒布牙角 亭突樹磴級 卑壓蒼翳叢 明標粉黛爰
遂疑塵井絡 仍謂賢聖集 旋行邇復遐 窺戶廓沈戢
游煩少解散 空諦亦叢及

喜雨篇送推官李公

三農病焦裂 百姓慕來蘇 焉知皇運仁 下土不終瘠
良風助玄雲 灑淅散膏濡 農人舖在野 蔀室懽婦姑
拜嘉我李父 駕言忽 王都願挾懷 中澤呈君被 九
區

送盛斯徵中丞巡撫江西

公昔危言行忠信嚴操持抗節抑權逆獨結明主
知騰波百低昂底柱無虧移况兹唐虞朝盱夕須臾
夔龍升雲亦高松老節益奇 眷言命召虎江沱煩
撫綏愚凜狂悖來十民九顛夷于今保治要邦本最
先宜公豈無素鑒次第將裁施格君雖美談寧邦幸
沉思世願與史聲豈獨鄉人期

送徵明計偕御試

恭人當遠別思念畏寅送詎惟離群悵吳邦去光重
叶奇珍不橫道道為 宗廟用 叶君其保氣體訊問

憫寤夢鄙夫誰向扣日益守空空 叶時來玩鷓雛頰
仰見翔鳳怠賦李陵詩願為王褒頌

鶴章

癸未歲人日余家構新堂成肅延北山
老師醮陳陳感佑之謚當奏章時仙騏三
輩旋導燎臺奏升而駕亦逝衆目瞻竦敬
賦一章銘志玄賜兼謝周師精高之效書

奉并望
和篇

歸命禮昊乾肅筵事三清真功仗宸官得此金門卿
碧牘函赤心法步凌紫京八霄青瀾瀾剛颺別曾城
獨馳丹元叟直詣太昊庭紫皇已傳命仙駕垂雲征
翩翩三縞衣上下相承迎翔衛既通奏矯羽歛上升
安得如几飛淹留悅歡情傍嬉臣詎同畏威敢為榮

始知精賢師可以徹土誠銘襟永攀脩玄社庶獲并

夏日林間

空林坐遠暑松蓋載炎日重陰集涼氣薄吹颺亦及
幽禽時度語遙磻汎清瑟厨人列齋素稚子來共食
援琴弄山海頗復似加適牛羊下前山自入後簷息
余亦杖策迴今辰茲已夕

汎舟登郡西諸山作

西巖蔚春氣丹翠絢長靄結駟出閭門日華浮羽蓋
曉市湊萬響方言九州會青翰迅妍洲遥遥背城邁
中流簫鼓鳴連甍夾隄起叶鶯吟芳樹底鷗舞澄沙

際叶柳坂少依依花淑始綵繚逶迤度重嶺宛轉入
蒙蒼欣遭勝域奏慮遣俗累解薄暮風詠歸華月漾
玄瀨鳴笳震水關登陸且迴憩叶遨翔訂可樂來往

日月代

雜吟四首

青陽肇物觀披覽川隰外草木寒不榮玄鳥閏未至
高原有松栢亦為蠹蟲敗繁華湏臾間後凋亦自貴
惟望多麥禾麥禾可卒歲

春日欣載陽淒颼靈暄蒙玄雲何許集晝夜彌衡穹
孤陽秉光淑元化潛開通

高樓臨道院舒目喬林端天際浮雲開遙見江上山
山中有禹書竹簡鎖石函我欲往求之試尋古道觀
惟恐雲復合駕言空去還
鳳皇粲德文和鳴亦嘒嘒舉世未曾見衆口稱麗美
唐虞有至治千載盛傳聞學者抱典謨終年向人論
舜死鳳不來寒士長欣欣

賦得春陽曲戲東天文

錢唐蘇小小京洛董嬌嬈穠芳競桃李清潤並瓊瑤
頽山左右倚因風上下飄東隣不姓宋無恠一相邀

秋日作

危陽旣驕夏衰霖復傷秋夏驕衆夫病秋傷田畷憂
少壯且頽墮耆人衷百愁萬物蒙化成聖賢豈有謀
栖栖非爲佞駕言我焉求

偶述情事

投弁歸柴荆時晦企遵養頗諧築構庸亦遂灌植賞
素履暮已定空法獨結想自甘婁生戒無論缺三字衷
和亦氣謚焉足問直枉違俗柰東擾鈎校旣非尚物
理不爽銖答應難絕響一旦缺七字鞅

爲張孝廉題留犢圖送吳邑楊明府

東京扇廉燿風流逮當塗時子牧淮甸解犢振清模

介石似滅頂千載不數夫安知後代士裂膚韞明珠
邕邕楊夫子抱琴宰東吳孟水謂食潔戶兒言卹孤
虞廷奏箭韶鳳凰翥宸都誰能獻丹青清風擁前驅
復願寫縣壁告彼新尹圖

夢唐寅徐禎卿亦有張靈

唐生白虹寶荆砥夙磨磷江河鯤不徙魯野遂戕麟
徐子十缺一字周邃討務精純遑遑訪魏漢北學中離
群伊余守初質温故以知新誰出不由戶貌別情還
均濁世二三子厭棄猶爲人相逢靡幽明隔域豈不
親茲塗無爾我相泯等一真昔亦念張孺猶能逐冥

塵

賦得君馬黃送黃齡林才伯

君馬黃臣馬驪駮以驥馬來何遲驪馬善折軸驥馬
不失馳天閑衛龍馭終不到瑤池

又絕句二首

閶門車馬出楊柳綠依依龍樓清夢起開閣待君歸
江山司馬筆民物杜陵吟他年黃閣裏便是此時心

詩四首

予見古今士遯世不缺一字屏志羔鴈之咎或有知罔
所咎徒負旃旌嗚呼獨君臣之際哉

盈盈高樓女粲粲紅粉粧灼灼耀容華粲粲缺一字衣裳丹唇激浩齒鬢髮婉青揚缺一字間里缺一字洞房見者驚若神翹首仰輝光

名都多秀艷三五騁神逸六門交長衢窓中坐曉日

行行萬夫望缺一字不可匹君子嚴禮聘承筐富充積

嘉耦缺一字好逑高堂鼓琴瑟

珠玉含澤輝妖女缺一字容華門巷多履綦缺一字冶市

門誇紛紛容悅已日暮宿倡家

巍巍西山高湛湛山下水昂昂千丈松靡靡百草委

下有虎鬼伏上有兔蘿倚

荅黃魯曾

昔與君子別朔雪正霏霏惠音阻良覲歎息避炎威
偃卧懷夙昔風雨滄淒淒磊磊井上松秋菊晚相依
倏忽時候變星霜迅若飛

懷知詩

卧病泊然緬懷平生知愛遂各為一詩少
長隱顯遠近存沒皆非所計祇以心腑之
真凡十有八人共詩一十九首

同老十人

顧明府榮夫

錢太常元抑

王文學履吉二首

葛隱君汝敬

湯徵君文守

謝處士元和

表弟蔣燁允暉

施侍御聘之

朱提刑升之

張秀才天賦

往者八人

吳文定公

王文恪公

韓尚書貫道

沈周先生

本郡使君南海林公

陸冢宰

朱孝廉性甫

朱文學堯民

顧明府榮夫

雞山燕市每依依此日都拋入洛衣家近鬱林公舊
隱門如彭澤令初歸空憐舊社惟君密却笑無車訪
我稀最愛滄浪池水好幾時同坐一方磯

錢太常元抑

入室芝蘭始見熏也知孤陋合離群烟霄本自冥黃
鷓城市安能駐白雲震澤晚山青歷歷漕湖秋水碧
泔泔相思只借中天月會把清輝兩地分

王文學履吉二首

七十看花歲已殘始憐梅蓋照衰顏河清可道遭逢

易駕俗深慚會合難錦繡段間藏黼黻驪龍珠抱媚
江山欲留光彩無窮事心緒悠悠竹素間
我居廛陌子滄洲望隔江城各倚樓共惜賈生違漢
室豈知王粲重荊州青雲尚恐終難附白壁空懷未
盡投十載三都墻室滿不堪玄晏思悠悠

葛隱居汝敬

獨承華緒振芳塵想見先公氣魄新開口只傳前輩
事存心不共此時人城中紫陌藏巢許門外青山是
主賓布褐一逢埃土盡誰言叔度賤還貧

湯徵君文守

舞勺歌詩把袂儔白頭俱換舊烏頭深憐武庫空懷
寶却羨名宗獨綴旒擊壤舍君誰作伴看山無我不
成遊酣歌李白襄陽曲掌上隋珠國已收

謝處士元和

薰茗清談午夜陪詩筒拂旦又飛來應憐去日來多
日却見千迴似一迴槐院定酬王祐志蘭庭休起卜
商哀紅芳落盡青青在始信松筠是德材

表弟蔣燁允暉

風雨牀空坐燭闌分襟兩見歲華殘蕭條鷗鷺江湖
闊寂寞宮商草樹寒王謝風流吾子在武功中外老

夫單懷君有句君應笑不向滄浪共釣竿

施侍御聘之 吳興

行藏蹤迹只雲萍一種神襟爾我形清角痛悲鳴晉
鄙黃鍾力挽向虞廷丹山鳳去尼丘歎紫府龍歸雪
水靈昨日書來淚盈把南溟心語到東溟

朱提刑升之 楚州

渚萍漂泊合江離並逐東流更不移豈獨松篁能晚
節共拋簪紱向明時烟霞草樹春容與霄漢星辰夜
陸離慙愧逢人說桑梓只如黃卷對光儀

張秀才天賦 惠州

文征屢北道空南雲錦才華織女慙宗廟豈能瑚璉
會蛟龍未許土泥弁襟期天合膠投漆光彩神驚玉
在函不見書來誦書序相望渾欲淚氍毹

吳文定公

穆穆文定淵淵金玉風被四遠譽髦歸淑伊余小子
欽承在夙籥雲駿附潛泥夔伏 詞林啣恤閱息茅
廬扣戶請益拱肅趨隅教曰勗旃竭景劬書默爾富
獲單辭靡餘 選曹展丘俾書 皇綸山房接夕返
檝同津永言夙好傍諭前聞虛膺祗受充然萬珍
公耆後先三四及門一瞻百益矧曰終身望之如日

就之如雲大雅既喪悼實徒紛

王文恪公

肅肅文恪有嚴我師扣竭空鄙博約兼資片語必法
寸履皆規甘雨中含滋浹時熙 屢躋于征靡辭有
戚公薦以升黃閣有職援呼日三導掖謨百嗟予不
肖鼎冶負德 邦作封史來相予總謂言冢君車迎
館奉力襄懷報寧公戾衆公往趣成傍誚莫誦公聞
斯愠命我專統謂守載屬同群益汹終亦靡克公愾
滋勇有矢畢命卒隊茲恐 公歸在堂復侍函丈三
變泰如揚休彌暢湖山奠高風霆下上嗟予懦與弗

從以往中星載回遄失几杖梁木既壞吾將安放

韓尚書貫道

司徒巖巖四海具瞻孰不歛衽植偃確頑蒙遜以卑
霄麗泥蟠訊之招之令之曰前旭日垂熙溫誨孔殷
昔我先公政于晉陽知公于童拔立序庠範之德
行訓之典章古道世用啓迪游揚聲詩書畫亦靡不
詳曰爾國器必成用先公曰於乎前德不忘 乃共
之食乃賜之帛巖威儼恪靖莊允塞拜賜必誠餐德
必實一望弗再有啣以訖

沈周先生

有華東陽燁于吳門古有遺高展也茲存孰爲先生
秀降三辰曾集萬寶手揮五雲九淵湛映千莖齊芬
鶴跼霄達抗百風塵 維予二祖式契且姻親公自
髻屬于夕昕齒惟父子視猶季昆聚晤真負援推勤
勤謂子良史左丘馬班謂子鵬運直舉橫騫安知乘
馬班如迤邐終需于泥以卒歲年 余旣暮矣公猶
歸然于何不減自遐不因一往不復追悔空辛豈念
平生我思古人

本郡使君南海林公

昌哉我牧百夫之特瞬洞萬勞平吞四勃經庫儲豐
有囊箱識鸞刀一振百截以訖吳材總升胡
載笑載言載詠以繹有作斯屬慚孤善述冥留靈
奚贖身百九京有知有茹闡臆

陸冢宰

陸締于我好也奕世中丞汪汪視實兄弟翔泳殊能
逵磐別致川梁無接樞鐔遙契南都于遘日以文會
勗哉進修驩然游藝鷗鷺先盟江湖結氣 公績平
寇尚克銘紀首聚頌臯夙約載厲迨登掌武爰均四
海迹用地隔禮由嫌廢穹淵契闕恍若越世 恩譴
公被不才余棄聚散忽再幽明永異終則群疑始亦

何諱丹誠寸積悠悠兩在天吳晝掠鰲波夕沸芒芒
大壑竟今何寄

朱孝廉性甫

秀矣孝廉名駒在谷白玉清冰碧梧翠竹少游諸老
孤鶯喬木予家日見匪暝維夙黃庭晉度朱絃漢曲
群公星落長庚爾獨後生更仰雞群昂鵠頽然順化
行閱滄陸修年默逝亦可世哭雅緒君斷更莫彼續
來英日富風流絕目前修履踐流膏碎馥嗟子勤哉
堆箱疊腹繫我與君髮皓相逐今我視衆如君我
餘箱猶幾三歎不足

朱文學堯民

詩亦多彥胥矣兩朱崑丘連壁嶧陽雙梧子出最後
遺風爽如寒泉冬潔菴竹秋臞積百媚學孰儷君劬
宵聞片籍屏寐以湏失之皇皇獲之愉愉拋裘噴炙
投玉捐珠珍香寶茗法繪名書清談晏對日坐仙區
愛我維篤棄我亦徐悵其邈矣臨風永吁

挽歌詩

清晨出閭門丹旗何飛翻問之路傍人新鬼即幽墳
翹望旗中題知吾夙所敦昨朝華屋間啞啞相笑言
日月畧流轉幽明已異門昔時強仁義茲辰聲益尊

屬徒送自返婦子亦一喧君獨長甘眠不知悲與欣
由茲壽無垠萬秋如一昏零霜殺宵草繞山游微魂
游魂不復貴所慰行節存

寶劍篇

我有三尺匣白石隱青鋒一藏三十年不敢輕開封
無人解舞術秋山鎖神龍時時自提看碧水蒼芙蓉
家雞未湏割屠蛟或當逢想望張壯武揄揚郭代公
高歌撫匣卧欲哭干將翁幸得留光彩長飛星漢中

黃金篇

靈質自化育英姿藉鑪錘虹光衡煜煜晨曦縱焯焯

紫霞煽虛燄青渠暈幽蕤在鎔未云卜躍冶詎其宜
能函大鈞體伏型韞神奇何當錯寶鈿戮妖血荒夷
鴻祕已出柙勳用吾未知疾市碎礎斧交易方紛披

八詠

禁省

彤華耀芝蓋初旭浮絳纈紫殿切五雲螭表雙嵒嶼
千門洞陰陰天光互明滅英英鳳翼擁肅肅羽旗列
仙韶忽然奏鳥獸咸應節皂囊上玉陛丹書出金闕

軍戎

西北羽書急半夜渡湟水上將受鉞出壯士把弓起

天王跪推轂四海盡雪耻殺氣入匈奴萬里地色紫
瑠戈插犀甲鐵勒封馬齒平生百戰身常擬一日死

田家

溪流浸茅宇短簷挂犁鉏柔桑交午陰幽禽時相呼
稚子跨犢眠夢歸候朝鋪稼翁釋其勞暫往携陶壺
老妻督少婦擇繭停辟纒輕雨日日零群苗盡懷蘇

漁釣

幸非城市住不舍煙波宅白鳥麗金沙蒼葍繞黃石
涼陰木澗青平遠水天碧梁寒魚盡落稻晚蟹猶瘠
脩綸倚笊箸敗笠蓋襪裊沾酒自易醉楓根忽終夕

禪林

泥洹金為地祇園寶作坊蓮猊兩足尊天龍億萬王
燈存千歲燄鑪騰百種香精舍坐苾芻屈曲蜂聯房
又如拘陀葉處處陰清凉暫棲蘊已空弘慈不可量

宮觀

青霞抱琳館蘿陰絡深逕龜遊煙沼煖鶴立天壇淨
微香拂幽洞欲覓風不定雲房並縣簾晝日鎖虛靜
琪殿臨高臺時聞落瑤磬循除步周匝徧扣無人應

俠少

三游本豪武七貴元驕惰腰間血七燿頭上金丸過

艷妓掌列盤變童口承唾高樓沸歌鍾王侯日盈座
殺人不須仇睚眦家立破郭氏族盡滅銅山死猶餓

宮闈

十五事君王三十色未接醮條空近羊蕪藹不集蝶
昔慚鴟夷汎今免呼韓挾天天東鄰子看星誦桃葉
塗黃斷橫雲流紅漬團靨金微幾千里一夜去來疊

太行歌

上客坐高堂聽僕歌太行六歲從先公騎馬出
循厚土足忽上天中央但聞風雷聲不見日

繞馬蹄虎豹嗥樹傍衡跨數十州四面

雄心多驚慄壯氣已飛揚自來江南郡佳麗稱吾鄉
邈哉雄豪觀寤寐不可忘人生非太行耳目空茫茫

金臺

東南控瀛海西北壓胡塵召公上輔周文侯方用秦
子丹養君子不惜如花人昭王禮郭生崇臺懸黃金
齊方入騶衍梁邦來劇辛從來燕好士疆國尚功勳

漂母祠

子胥逢擊絮遂為鞭屍人淮陰遇漂母終亦去亡秦
豪傑與嬋媛萬年共一塵清淮映古廟月明空沄沄
安能問市上復問哀王孫

題隱士山居

志士果藏隱勝境合中閒冥冥討幽蹟息躬構深山
青蘿施欄宇循除鳴流湍綿韋積皮几時衡素絲彈
出郭便無累何煩嵩華艱危岑寄遠氣屹矣不可攀

唐人寫胡騎圖

天山一夜雪北風吹復乾胡兒騎馬出踏碎白琅玕
鬣胡擁羶項旄毳不知寒季冬飛鳥絕虛絃控不彈
馬知北海雁高翥入長安帛書天上度何功報可汗

家藏馬遠春山行樂大幅

淑候媚川石初景澹林霏扶藤循石坂揚柳共依依

朱絃卧行襍隨往抱希微無論遇高賞器在道無遺

戴文進松崖

陰崖萬古縣橫出千歲松中有落澗遙怒躍數白龍
長年不聞聲發卷耳欲聳遠楚夕莽蒼町疇迴照紅
此域萬物靜尚有坐二翁何必非夷齊破衣蕭蕭風

劉西臺 畫松

何年楮先生結此太古骨飛龍蛻肉餘甲裹枸檮
神根發生理元氣日勃勃彭城已廿載此骨長不沒

題畫二首

白雲媚蒼山寂寂太古春窅藹林薄中一區宅無鄰

楊子坐清靜閉門了玄文兩生勿輕過惟通問字人

其二

季冬雪重積十日奇寒沍啁啾聞不聞葱蘢失其故
客子欲何歸中林猶獨步幸有蒼蒼松為辨去來路

秋山琴月圖

玉照洞秋冰厓肅夜靈籟之感絲音茲舍太陰幽煌
希聲無倪迎之以虛承之以微

詠新安許氏石潭

沈沈山下潭粲粲潭中石結宇子亦賢喜作看潭客
將同丘生棲可有奇章癖茲標本余契選詠亦馳適

次韻得之看梅

江梅不畏寒時至開如霰瓌姿靜在野卧病不得見
國士抱奇寶端居察時變杖策出城市蒿萊滿荒甸
遐尋得幽賞獨對姑射面化泰草木蕃時閉賢不見
無禾比兩歲缺二將九縣分珪善會計棄士如土賤
俗儒誦腐簡鄉子樂耽燕熹歌唐虞授復譽湯武戰
子有經世懷待賈不自獻神威盛龍熊奇祕卷帳鈐
去建時節會應求風虎期非晏巍然奮載績志沛聲亦

草閣玩水圖

濠上有川歎滄洲多海懷伊我江湖姿浩蕩中淵迴
尋秘右洞庭飛衿左蓬萊瑚琲探富獲存之無輕開
揚波萬古源蕩瀟塞視埃誰能寫小筆聊意亦可諧
仁智在戶限寄言亦悠哉臨詠志一啓得者亦可推
黃汾窈如湮安問傳巖才

神游篇贈黃勉之

勉之將遠遊先自呼五嶽山人

帝遣河上公下來赤縣游采真金庭房漫衍三十秋
禹書眇一策詎幾窮沉幽蘭香悅亦感安能久綢繆
回首視泰元紫烟覆神州壘落結五丸杼軸冥交鉤
內笈千神鈴星雲表沉浮猿鹿總千歲桂姿無年休

雨露黥在下日月環輪流憶昨鶴上客招邀翫滄丘

予旣夙邁之飄然躡霞輶長歌我勸駕神偕足孤留

金烏鳴日觀玉女呼洗頭三壺風帆迅弱水不容舟

隨風唾珠玉空徧

缺二字

收聞有金光草窈墨無所投

升攀星辰宮忽恍垂前旒長跪問寶章八荒極探搜

一餐換塵骨萬品皆蜉蝣與子無往來逍遙齊所求

尚書內相毛文簡公挽辭

休辰盛文化畿吳富登庸蟬聯首四方藹藹來毛公
翼翼寶玉執桓桓岱山崇翊亮總王禮啓沃諧王
衷三朝補缺袞百辟詹清風職思謹詔相不綵亦

不竦公薨 后弔恤哀榮天壤終

祝氏集畧卷第四

祝氏集畧卷第五

歌行

長安秋

長安昔日在關中洛陽浙右亦相同江東自古帝王
宅周秦已見氣葱葱長道石城如踞虎長道鍾阜似
蟠龍千年王氣浮天表一日真人建法宮天府天開
天闕起五門三殿當中峙五鳳樓前柳似烟奉天門
外天如水金陵金闕勝金城玉陛連天接玉京星散
羽林霜氣肅天臨華蓋日華明十二飛樓石門繚百
萬貔貅屯八表寶刹天花和月飛郊壇神樂穿雲宵